

# neo-angin®

1,2 mg + 0,6 mg + 5,72 mg

## PASTILA

### BEZ ŠEĆERA

2,4-dihlorbenzil alkohol, amilmetakrezol, levomentol

**Pažljivo pročitajte cijelo uputstvo prije nego počnete uzimati ovaj lijek jer sadrži važne informacije za Vas.**

- Uvijek uzmite ovaj lijek tačno onako kako je propisano u ovom uputstvu ili kako Vam je rekao Vaš ljekar ili farmaceut.
- Sačuvajte ovo uputstvo. Možda ćete ga htjeti ponovno pročitati.
- Ako imate dodatnih pitanja, obratite se svom farmaceutu.
- Ako primjetite bilo koje neželjeno dejstvo potrebitno je obavijestiti ljekara ili farmaceuta. To uključuje i svako moguće neželjeno dejstvo koje nije navedeno u ovom uputstvu, vidjeti poglavlje 4.
- Obavezno se obratite ljekaru ako se ne osjećate bolje ili ako se osjećate lošije nakon 3 do 4 dana.

#### Sadržaj uputstva:

1. Šta je neo-angin® bez šećera i za što se koristi
2. Prije nego počnete uzimati neo-angin® bez šećera
3. Kako uzimati neo-angin® bez šećera
4. Moguća neželjena dejstva
5. Kako čuvati neo-angin® bez šećera
6. Dodatne informacije

#### 1. ŠTA JE NEO-ANGIN® BEZ ŠEĆERA I ZA ŠTO SE KORISTI

Lijek neo-angin® bez šećera je antiseptik i blagi analgetik za usta i grlo čije djelovanje se zasniva na kombinaciji aktivnih supstanci 2,4-diklorbenzil alkohola, amilmetakrezola i levomentola.

Lijek je namijenjen za kratkotrajno potporno liječenje upale sluznice grla praćene tipičnim simptomima kao što su grlobolja, crvenilo ili otečenost.

Obavezno se obratite ljekaru ako se ne osjećate bolje ili ako se osjećate lošije nakon 3 do 4 dana primjene ovog lijeka.

#### 2. PRIJE NEGO POČNETE UZIMATI NEO-ANGIN® BEZ ŠEĆERA

##### Nemojte uzimati lijek neo-angin® bez šećera

- ako ste alergični na neku od aktivnih ili pomoćnih supstanci ovog lijeka (navedene u poglavljiju 6.)
- ako imate astmu ili druge bolesti disajnog sistema povezanu sa osjetljivošću disajnih puteva kod kojih može doći do bronhokonstrikcije zbog ulja nane (mente, paprene metvice) i mentola.
- Pastile se ne smiju primjenjivati kod djece mlađe od 6 godina

##### Budite oprezni sa lijekom neo-angin® bez šećera

Obratite se svom ljekaru ili farmaceutu prije nego uzmete lijek neo-angin® bez šećera u slučaju prethodnog dugotrajnog kašljanja, iskašljavanja ili promuklosti. Kod ustrajnih simptoma, porasta temperature ili pogoršanja opštег stanja, potrebno se odmah posavjetovati sa ljekarom jer će stanje možda biti potrebitno liječiti drugim lijekovima.

Ako imate žgaravicu ili hijatalnu herniju, ponekad može doći do pogoršanja ovih simptoma nakon uzimanja ulja nane (mente, paprene metvice) pa je u tom slučaju potrebitno prekinuti primjenu ovog lijeka.

##### Uzimanje drugih lijekova sa lijekom neo-angin® bez šećera

Obavijestite svog ljekara ili farmaceuta ako uzimate ili ste nedavno uzimali ili biste mogli uzeti bilo koje druge lijekove.

Interakcije s drugim lijekovima nisu poznate.

##### Uzimanje hrane i pića sa lijekom neo-angin® bez šećera

Lijek neo-angin® bez šećera nemojte uzimati neposredno prije i tokom obroka ili uzimanja tečnosti.

##### Trudnoća i dojenje

Ako ste trudni ili dojite, mislite da biste mogli biti trudni ili planirate trudnoći, potražite savjet ljekara ili farmaceuta prije uzimanja ovog lijeka.

Nema dostupnih kliničkih podataka o izlaganju lijeku neo-angin® bez šećera tokom trudnoće. Ispitivanja na životinjama ne pokazuju da lijek neo-angin® bez šećera direktno ili indirektno štetno djeluju na trudnoću, razvoj ploda, porod ili razvoj djeteta.

Zbog nedovoljne količine informacija, nije moguće u potpunosti isključiti rizike za nerođeno dijete, pa se stoga ne preporučuje uzimanje ovog lijeka tokom trudnoće ili dojenja.

##### Upavljanje vozilima i strojevima

Uticaj ovog lijeka na sposobnost upavljanja vozilima i rada sa mašinama nije vjerovatan.

##### Ostala upozorenja

Lijek neo-angin® bez šećera sadrži boju Ponceau 4R (E124), koja može uzrokovati alergijske reakcije.

Jedna pastila lijeka neo-angin® bez šećera sadrži 2,58g izomalta koji je zamjena za šećer i odgovara otprilike 6 kcal (26 kJ). Izomalt može imati blagi laksativni učinak. Ako Vam je ljekar rekao da imate bolest nepodnošenja nekih šećera, prije uzimanja ovog lijeka posavjetujte se sa svojim ljekarom.





### 3. KAKO UZIMATI NEO-ANGIN® BEZ ŠEĆERA

Uvijek uzimajte ovaj lijek tačno prema ovdje navedenim uputstvima ili kako Vam je rekao Vaš ljekar ili farmaceut. Molimo da se obratite ljekaru ili farmaceutu ako niste sigurni kako se uzima ovaj lijek.

#### Preporučena doza je:

**Odrasli i djeca starija od 6 godina** trebaju polako otopiti jednu pastilu u ustima svakih 2-3 sata. Maksimalna dnevna doza je ukupno 6 pastila.

Ako Vam se simptomi pogoršaju ili ne nastupi poboljšanje u roku od 3-4 dana, javite se Vašem ljekaru.

#### Djeca

Lijek **neo-angin® bez šećera** se ne smije primjenjivati kod djece mlađe od 6 godina.

#### Ako uzmete više lijeka **neo-angin® bez šećera nego što ste trebali**

Nema prijavljenih slučajeva predoziranja. U slučaju predoziranja, koje je vrlo malo vjerovatno, neželjena dejstva opisana u poglavljju 4. mogu se javiti u intenzivnijem obliku pa se preporučuje javiti svom ljekaru koji će provesti simptomatsko lijeчењe.

#### Ako ste zaboravili uzeti **neo-angin® bez šećera**

Nemojte uzeti dvostruku dozu lijeka kako bi nadoknadiли zaboravljenu dozu.

U slučaju bilo kakvih nejasnoća ili pitanja u vezi sa primjenom lijeka **neo-angin® bez šećera** obratite se svom ljekaru ili farmaceutu.

### 4. MOGUĆA NEŽELJENA DEJSTVA

Kao i svi lijekovi, ovaj lijek može uzrokovati neželjena dejstva iako se one ne pojavljuju kod svakoga.

#### Moguće neželjena dejstva i njihova učestalost:

Vrlo rijetko (*javlja se u manje od 1 na 10 000 bolesnika*): nadraženost sluznice usta i želuca.

Nepoznata učestalost (*ne može se procijeniti iz dostupnih podataka*): mogu se javiti alergijske reakcije poput oticanja usta i jezika.

#### Dodata na neželjena dejstva kod djece

Ulije nane (mente, paprene metvice) može uzrokovati grč grkljana u dojenčadi i djece do 2 godine starosti.

#### Prijavljivanje sumnje na neželjena dejstva lijeka

U slučaju bilo kakvih neželjenih reakcija nakon primjene lijeka, potrebno je obavjestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

### 5. KAKO ČUVATI NEO-ANGIN® BEZ ŠEĆERA

**neo-angin® bez šećera** trebate čuvati izvan dohvata i pogleda djece.

Lijek čuvati na temperaturi do 30°C, u originalnom pakiranju (zaštićeno od vlage).

#### Rok trajanja:

Rok trajanja naveden je na vanjskom pakovanju.

Rok trajanja je 5 godina od datuma proizvodnje navedenog na pakovanju!

Ovaj lijek se ne smiju upotrijebiti nakon isteka roka trajanja navedenog na pakovanju. Datum isteka roka trajanja odnosi se na zadnji dan navedenog mjeseca.

Nikada nemojte nikakve lijekove bacati u otpadne vode ili kućni otpad. Pitajte svog farmaceuta kako odložiti lijekove koje više ne koristite. Ove mjere će pomoći u očuvanju okoline.

### 6. DODATNE INFORMACIJE

#### Što sadrži lijek **neo-angin® bez šećera**:

##### Aktivne supstance:

1 pastila sadrži: 1,20 mg 2,4 diklorbenzil alkohola; 0,60 mg amilmetakrezola; 5,72 mg levomentola.

##### Pomoćne supstance:

izomalt, boja Ponceau 4 R (E124), tartaratna kiselina, eterično ulje zvjezdastog anisa, eterično ulje nane (mente, paprene metvice).

#### Kako izgledaju pastile **neo-angin® bez šećera** i sadržaj pakovanja:

##### Pastile

Crvene, okrugle, blago bikonveksne, gotovo prozirne pastile

24 (2x12) pastile u PVC/ PVDC//Al blisteru

#### Ime i adresa nositelja dozvole za stavljanje u promet gotovog lijeka

CLINRES FARMACIJA d.o.o.

Alipašina 29, 71000 Sarajevo, Bosna i Hercegovina

#### Ime i adresa proizvođača lijeka (administrativno sjedište)

DIVAPHARMA GmbH

Motzener Strasse 41

12277 Berlin, Njemačka

#### Ime i adresa proizvođača gotovog lijeka (mjesto puštanja lijeka u promet)

DIVAPHARMA GmbH

Motzener Strasse 41

12277 Berlin, Njemačka

#### Režim izdavanja

Lijek se izdaje bez ljekarskog recepta.

#### BROJ I DATUM RJEŠENJA O DOZVOLI ZA STAVLJANJE GOTOVOG LIJEKA U PROMET

**neo-angin® bez šećera**, pastila, 24 x (1,2 mg + 0,6 mg + 5,72 mg): 04-07.3-2-5455/18 od 19.03.2019.

#### DATUM REVIZIJE UPUTSTVA

Mart 2019